



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. II. Solvuntur objectiones

---

[urn:nbn:de:hbz:466:1-77355](#)

tas, vel error, cum revera furtum utile sit, & adulterium delectabile.

Sed contra: Ille qui committit furtum, vel adulterium, non solum existimat furtum esse sibi utile, & adulterium delectabile, sed etiam practicè judicat illud hic & nunc à se esse eligendum, & bono honesto, ac observationi legis divinae præferendum; alioquin voluntas, utpote appetitus rationalis, sequens ductum intellectus, talem actum non eligeret, nec bono honesto & observationi legis divinae ipsum præferret: At in tali iudicio error practicus manifestè reperitur, cum recta ratio & prudentia dicunt oppositum: Ergo quotiescumque homo peccat eligendo aliquod objectum, vel actum moraliter malum, putat furtum, vel adulterium, aliquis error practicus in ejus intellectu reperitur.

**23.** Duxi, quando homo peccat eligendo objectum vel actum moraliter malum, quia si peccat eligendo aliquid de se bonum, sed non cum ordine debito, non est necesse quod habeat errorem practicum in intellectu, sed sufficit quod in eo sit aliqua inadventitia aut inconsideratio, ut de primo peccato Angelorum docet D. Thomas loco citato, & nos in tractatu de Angelis art. 4 ostendimus. Unde consultò in conclusione diximus, non posse voluntatem peccare nisi vel aliquis error practicus, vel saltem aliqua inconsideratio, in intellectu præcesserit.

Quod potest amplius confirmari, & hoc exemplo suaderi. Si esset aliquis cœcus ex natura sua determinatus ad sequendum ductum alterius, non posset deficere, & à via aberrare, nisi deficiente & aberrante ductore: Sed voluntas est potentia cœca, ex natura sua determinata ad sequendum ductum intellectus; objectum enim specificativum illius est bonum sibi ab intellectu propositum: Ergo non potest in ordine moraliter deficere, nisi in intellectu aliquis defectus erroris vel inconsiderationis præcedat.

Addo quod in omni peccato quedam imprudentia reperitur: unde Proverb. 1. peccatores stulti & imprudentes appellantur; & Gregorius lib. 15. moral. cap. 23. *Omnis peccator (inquit) stultus fuit in culpa.* Ergo cum prudentia sit dirigere rationem practicam in ordine ad agibilita ab homine, sicut ars illam dirigit in ordine ad facultabilia, oportet quod in omni peccato aliquis defectus rationis practicae, subindeque error practicus, vel saltem inconsideratio reperiatur.

### S. 11.

#### Solvuntur objectiones.

**24.** **O**BIICIVNT in primis Adversarii aliqua testimonia, in quibus dicitur homines peccare scienter & ex industria: Job. 34. *Quasi de industria recesserunt ab eo, & vias ejus intelligere noluerunt.* Et Proverb. 2. *Latanter cum male fecerint, & exultant in rebus pessimis.* Item voluntatem respire quod ratio approbat, juxta illud Medea apud Poëtam, *Vide meliora, proboque, deteriora sequor;* & illud, *Athenienses faciunt quae recta sunt, sed non faciunt:* Ergo potest voluntas peccare, nullo existente errore in intellectu.

**25.** Sed hæc nullius sunt roboris: debent enim intelligi & explicari de cognitione speculativa, vel de practica universali, cum qua stat in in-

tellecetu peccantis error practicus in particulari, seu iudicium practicum, quo judicat hic & nunc esse sibi eligendum aliiquid, quod revera eligendum non est. Unde D. Thomas supra citatus i. p. qu. 63. art. 1. ad 4. sic ait: *Errat qui dem adulter in particulari, eligens hanc delectationem inordinari actus, quasi aliquod bonum ad nunc agendum, propter inclinationem passionis aut habitus; etiam si in universalis non erret, sed veram de hoc sententiam teneat.*

Objiciunt secundò: Si quotiescumque homo peccat, aliquis error in ejus intellectu præcederet, omnis peccator esset hæreticus, & quoties homo incidet in peccatum, toties labetur in hæresim: Sed hoc est falsum & absurdum; cum multi fideles peccent in moralibus, & tamen à fide non deficiant: Ergo & illud.

Hoc etiam argumentum frivolum est: nam cum error, qui in intellectu peccantis existit, non sit speculativus, sed practicus; nec fidelis, sed solum recta rationi & prudentia adversetur, peccatorem, infidelem, vel hæreticum non reddit, sed stultum potius & imprudentem, ut ex testimonio supra adductis patet.

Objiciunt tertio: Homo potest velle aliquid sibi utile, aut delectabile, de quo certò scit, certòque considerat, & esse sibi utile aut delectabile, & esse contrarium recta rationi: Ergo potest peccare, nullo existente errore vel inconsideratione in ejus intellectu. Consequenter videtur perficua. Antecedens etiam pater, tum in his qui peccant cum remorsu conscientiae & tristitia, aut cum expresso culpa & pœnae contemptu: tum etiam quia objectum voluntatis non solum est bonum honestum, sed etiam bonum utile & delectabile.

Respondeo concesso Antecedente, distinguendo. Consequens: potest peccare nullo existente errore in ejus intellectu, errore speculativo, concedo: errore practico, nego. Licet enim intellectus peccantis speculativus judicet objectum quod eligit, vel actum, esse malum moraliter; practicè tamen judicat sibi bonum & conveniens esse hic & nunc illud eligere, & bono honesto præferre, ut in probatione nostra conclusionis ostendimus.

Inflatibus: Positò iudicium practicò, dictante hic & nunc Deum esse amandum, cum hic & nunc instat præceptum dilectionis, voluntas, cum sit libera, potest elicere actum odii, vel actum dilectionis suspendere: Ergo nullo præsupposito errore, etiam practico, potest peccare.

Respondeo distinguendo Antecedens: Potest elicere actum odii, vel actum dilectionis suspendere, potentia antecedenti, & in sensu diviso, concedo: potentia consequenti, & in sensu compósito, nego. Positò enim iudicium practicè practicò in intellectu de elicendo actu amoris, voluntas infallibiliter illum elicit; cum iudicium illud sit de se efficax, & habeat rationem imperii, saltem virtualis: non destruitur tamen ejus libertas, quia talis necessitas seu infallibilitas non provenit ab extrinseco, sed ab ipsa voluntate, que sicut applicuit intellectum ad illud iudicium, ita potuit ipsum applicare ad oppositum.

Objiciunt ultimò: Si quotiescumque homo peccat, præcederet aliquis error practicus in ejus intellectu, nullum daretur peccatum ex pura malitia, sed quodlibet ex ignorantia procederet;

## DE CAVSIS PECCATORVM.

deret: At hoc non est dicendum; cùm Theologi communiter divident peccata in tria genera, scilicet in peccata ex infirmitate, ex ignorantia, & ex pura malitia, ut súpra ostensum est: Erat 2. & ex pura malitia, ut súpra ostensum est: Ergo nec illud.

**D**icitur 1. Respondendo negando sequelam: Licet enim in omni peccato interveniat error practicus ex parte intellectus, sufficienter tamen distinguitur peccatum ex infirmitate, vel ex malitia, à peccato ex ignorantia, ex diversa scilicet dispositione prava, quæ est causa formandi iudicium illud erroneum in intellectu, & pravam electionem in voluntate: nam in peccatis ex ignorantia, ignorantia vincibilis & culpabilis est causa formandi tale iudicium, & pravam electionem; in peccatis ex infirmitate vel passione, passio vehementis obscurans intellectum, & ad se trahens voluntatem; in peccatis vero ex pura malitia, sola inordinatio & malitia voluntatis.

**C**irca alias causas interiores peccati, nempe appetitum sensitivum, & voluntatem, nulla occurrit celebris difficultas, vel controversia: constat enim causam immediatam peccati esse voluntatem, in qua libertas ut in propria sede residet; appetitum vero esse duntaxat causam illius mediatam & remotam (saltē si de peccato mortali loquamur) quia à passione appetitus, voluntas indirectè & per accidens movetur, quatenus scilicet passio iudicium rationis perturbat & impedit, quod impedit & perturbat, necesse est voluntatem, qua iudicium rationis semper sequitur, in agendo perturbari. Cuius rei rationem reddit Caietanus, quod passio appetitus sensitivi directè & per se moveat phantasiam, quæ est organum corporum; quæ mota & perturbata, necesse est perturbari intellectum, qui ab ea deponit species, quarum beneficio de rebus sensibiliibus & corporeis judicat; ideoque ipse intellectus alter de his rebus judicat quam oportet: quare cùm voluntas ab intellectu determinetur, non mirum si ipsa tunc perturbetur, & a recto tramite declinet. Unde in peccatis ex passione appetitus sensitivi procedentibus, hic reperitur ordo seu processus: bona sensibilia & externa in primis sensus externos alliciunt; deinde eorum sensitivæ apprehensione imaginatio excitatur; hæc vero appetitum sensitivum accendit & commovet: ex appetitus sensitivi commotio nephantasia moveatur & perturbatur; quantum & perturbata, obscuratur ratio, quæ ab actuali debitis regula consideratione cessat, & ab illa deviat, & in errore tandem ipsam trahit voluntatem, cuius aëtus liber & voluntarius peccatum per consensum consummat. Quod hoc lepido solet exemplo declarari: si lapillum in pellucidi fontis alveum projecteris, illico fusum illius æquor, ipso cristallo nitidius, turbatur, circulo primum efformato, qui alium ulterius circulum describit, hic denou alterum, donec tota fontis superficies, tñ veluti rugis, quæ circulis horrescat. Non dispari ratione bona sensibilia & externa sensus movent exteros; his imaginatio excitata, appetitus commovet; appetitusphantasia, quæ turbat, perturbatur & obscuratur ratio; obscurata vero seu perturbata ratio, voluntatem ad peccandum trahit; hæc denique ex sua natura coeca, errantem rationem sequens, liberè suggestioni pravae consentit; quo actu peccatum complet, & consummat;

*Tom. III.*

**A** peccatum vero cùm consummatum fuerit, generat mortem, ut dicitur Jacobi.

Suos ergo parentes, suamque genitum habet peccatum: mater illius est concupiscentia, quæ teste eodem Apostolo, cùm conceperit, parit peccatum: pater est liberum arbitrium; semen matris est titillatio, sive delectatio, quam ingerit concupiscentia: denique illud concipiatur per suggestionem & delectationem, & generatur ac consummatur per consensum. Unde Gratianus in decreto dist. 7. ait quod tribus modis impletur omne peccatum, videlicet suggestione, delectatione, consensu: suggestione fit per diabolum; delectatio per carnem; consensus per spiritum. Quod declarat exemplo peccati primorum parentum, in quo serpens primò culpam suggestit; Eva velut caro delectata est; Adam vero veluti spiritus consensit. Similia habet D. Gregorius in cap. 3. Job.

### ARTICVLVS III.

*Vtrum Deus directè vel saltē indirectè possit dici causa peccati?*

**D**E hac difficultate fuisse egimus in tractatu de voluntate Dei, unde breviter hīc **D**iscutiemus, & quæ docet S. Doctor qu. art. 4. 79. exponemus,

### §. I.

*Duplici conclusione difficultas resolvitur.*

**D**ico primò. Deum non esse, nec dici posse directè causam peccati. Ita D. Thomas hīc quæst. 79. art. 1. & 2. & de malo qu. 3. art. 1. & alibi passim.

Probatur ratione quam ibidem prosequitur: Peccatum nominat ens & actionem cùm quodam defectu, deformitate scilicet & malitia moralis, quæ entitatis actus adjungitur: unde ut aliquis dicatur, & sit rectè causa peccati, non sufficit quod producat entitatem, & actualitatem, quam de materiali importat, sed requiritur quod ipsum defectum, seu deformitatem quam dicit de formalis, attingat: Atqui Deus suâ motione & causalitate talen defectum & deformitatem non attingit, sed ab eo praescindit: Ergo non est, nec dici potest directè causa peccati. Major patet: nam hoc nomen *causa* appellat supra rationem, vel conceptum formalis cui conjungitur, ut constat cùm dicimus Petrum esse causam statu: non enim est sensus esse causam ligni vel argenti, sed figura artificiosa, quam hoc nomen *statua* pro formalis importat: Atqui hoc nomen *peccatum* de formalis importat malitiam, & deformitatem moralem: Ergo ut aliquis sit & dicatur causa peccati, non sufficit quod ejus entitatem & actualitatem producat, sed requiritur insuper, quod ejus causalitas ad deformitatem & malitiæ moralis, secundariò saltē & mediare se extendat. Minor autem in qua est difficultas, multipliciter suadetur: Primo ratione D. Thomas hīc art. 1. *Omne peccatum est per recessum ab ordine qui est in Deum sicut in finem: Deus autem omnia inclinat & convertit in seipsum, sicut in ultimum finem, sicut Dionysius dicit 1. cap. de divin. nomin. unde impossibile est quod sit fieri vice*

Gg